



**PEJABAT KETUA PENDAFTAR  
MAHKAMAH PERSEKUTUAN MALAYSIA  
ISTANA KEHAKIMAN  
PUTRAJAYA**

**KENYATAAN MEDIA**

**PANDUAN PENGENDALIAN KES DI MAHKAMAH SIBU DAN MAHKAMAH  
MAJISTRET LITAR, KANOWIT, SARAWAK SELARAS DENGAN  
PELAKSANAAN PERINTAH KAWALAN PERGERAKAN (PKP)**

Selaras dengan pengumuman oleh Sekretariat Jawatankuasa Pengurusan Bencana Negeri Sarawak pada 14 Januari 2021 berkenaan pelaksanaan Perintah Kawalan Pergerakan (PKP) di Bahagian Sibul yang meliputi Daerah Sibul, Kanowit dan Selangau, berikut adalah panduan pengendalian kes di Mahkamah Sibul dan Mahkamah Majistret Litar Kanowit, Sarawak bermula 16 hingga 29 Januari 2021 atau pada suatu tarikh lain yang akan diumumkan oleh Kerajaan:

**PENGENDALIAN KES SIVIL**

**(a) Permohonan Perakuan Segera**

- (i) Bagi permohonan perakuan segera di Mahkamah Tinggi, Timbalan Pendaftar (Pentadbiran / Pengurus) atau Penolong Kanan Pendaftar (Pentadbiran / Pengurus) akan mengendalikan dokumen perakuan segera dan mendapatkan arahan selanjutnya daripada YA Hakim / Pesuruhjaya Kehakiman yang bertugas; dan
- (ii) Bagi permohonan perakuan segera di Mahkamah Sesyen, Penolong Kanan Pendaftar Mahkamah Rendah akan mengendalikan dokumen perakuan segera dan mendapatkan arahan selanjutnya daripada Pengarah Mahkamah Negeri.

## **(b) Pemfailan dan Pengurusan Kes**

- (i) Bagi Mahkamah yang menggunakan sistem e-Kehakiman, pemfailan kes-kes baharu / notis rayuan dan dokumen-dokumen adalah melalui sistem e-Filing. Bagi Mahkamah yang masih belum mempunyai sistem e-Filing, pemfailan kes-kes baharu dan dokumen-dokumen akan dilaksanakan secara fizikal. Bagi kes-kes yang memerlukan kesegeraan, pemfailan boleh dibuat di Mahkamah berdekatan yang mempunyai sistem e-Kehakiman di negeri berkenaan; dan
- (ii) Pengurusan kes akan dijalankan melalui teknologi komunikasi jarak jauh.

## **(c) Perbicaraan atau Pendengaran Kes**

- (i) Bagi perbicaraan atau pendengaran kes sivil, Arahan Amalan Ketua Hakim Negara Bilangan 1 Tahun 2021 mengenai Pengendalian Prosiding Kes Sivil Melalui Teknologi Komunikasi Jarak Jauh Bagi Mahkamah Di Seluruh Malaysia yang telah diedarkan oleh Pejabat ini melalui kenyataan media bertarikh 9 Januari 2021 adalah terpakai; dan
- (ii) Bagi Mahkamah Tinggi, Mahkamah Sesyen dan Mahkamah Majistret, pengendalian kes melalui teknologi komunikasi jarak jauh hendaklah dijalankan dari kediaman masing-masing.

## **PENGENDALIAN KES JENAYAH**

### **(a) Pengurusan Kes**

Pengurusan kes di Mahkamah Tinggi, Mahkamah Sesyen dan Mahkamah Majistret boleh dibuat menggunakan teknologi komunikasi jarak jauh atas persetujuan pihak-pihak yang terlibat dalam prosiding berkenaan.

(b) **Permohonan Reman**

Permohonan reman di bawah seksyen 117 Kanun Tatacara Jenayah (KTJ) dan di bawah Akta Imigresen 1959/1963 akan dijalankan seperti biasa mengikut jadual bertugas yang telah ditetapkan manakala pelanjutan reman di bawah seksyen 259 KTJ akan dijalankan melalui teknologi komunikasi jarak jauh.

(c) **Pendaftaran Kes-Kes Baharu**

Bagi pendaftaran kes baharu, Pegawai Penyiasat hendaklah memaklumkan lebih awal kepada Mahkamah bagi tujuan persediaan dan tarikh sebutan yang seterusnya hendaklah ditetapkan selepas tamat tempoh PKP.

(d) **Permohonan Jamin**

Bagi kesalahan yang boleh dijamin, Pengarah Mahkamah Negeri hendaklah memastikan urusan jamin dapat diproses seperti biasa dan penggunaan sistem e-Jamin adalah digalakkan.

(e) **Perbicaraan atau Pendengaran Kes**

Semua perbicaraan atau pendengaran kes di Mahkamah terbuka sepanjang tempoh 16 Januari 2021 hingga 29 Januari 2021 adalah ditangguhkan dan penetapan tarikh perbicaraan atau pendengaran yang baharu akan dimaklumkan kemudian. Dalam keadaan kes-kes yang mendesak, persetujuan YAA Hakim Besar Sabah dan Sarawak untuk menjalankan perbicaraan atau pendengaran kes di Mahkamah terbuka hendaklah diperolehi terlebih dahulu.

Sekiranya agensi kerajaan, peguam dan orang awam mempunyai sebarang pertanyaan mengenai perkara di atas, bolehlah menghubungi pegawai-pegawai berikut:

i) **Mahkamah Tinggi Sabah dan Sarawak**

Puan Amelati Parnell

Pendaftar Mahkamah Tinggi Sabah dan Sarawak

088 286100 / 019-8195908 / [amelati@kehakiman.gov.my](mailto:amelati@kehakiman.gov.my)

**ii) Mahkamah Rendah Sabah dan Sarawak**

Puan Egusra Binti Ali

Pengarah Mahkamah Sabah (menjalankan tugas-tugas Pendaftar  
Mahkamah Rendah Sabah dan Sarawak)

088 286100 / 016-8931397 / [egusra@kehakiman.gov.my](mailto:egusra@kehakiman.gov.my)

Sekian, terima kasih.

**Pejabat Ketua Pendaftar  
Mahkamah Persekutuan Malaysia  
Istana Kehakiman  
Putrajaya**

**Tarikh: 15 Januari 2021**